

明詩別裁集



卷三

柳田文庫

文庫11

D 177

1



長洲沈歸愚評選

重訂明詩
別裁集

右文堂藏板

010190557885

文庫 11
D177
/

以文堂藏本

小集

明詩

是世出類拔萃



明詩別裁集序

歸愚沈先生選明詩別裁集成

卷起國初諸臣青田青印兩雄並峙開風
尚也永樂以還體尚臺閣所收從略防膚
序也成弘之代茶陵振興紹先啟後標引
導也此地信陽義城經緯邊徐輔協左右
藝新紀在盛也升庵挺步三興春麗叔嗣
別操冰襪書抱志特立也余州雄潤濟廣

於貴茂秦斗拔除蕪就潔表繩武也隆萬
以後或秦龜聲或漂鬼國嚴刪雜也雲間
卓立漸臻壹真識復古也板蕩變操各寫
幽噫如芝采菊初心靡悔存餘響也始端
宗旨繼審規格終流神韻三長具備迺登
卷帙視從前明詩之選備一朝掌故著殊
厥旨焉先生向有古詩源唐詩別裁問世
茲編風旨除纖去濫簡嚴和厚可續唐音

而宋金元詩尚俟采葺云乾隆己未秋七
月望日古吳蔣重光題於賦琴樓

明詩別裁集序

宋詩近腐元詩近纖明詩其復古也而二百七十餘年中又有升降盛衰之別嘗取有明一代詩論之洪武之初劉伯溫之高格並以高季迪袁景文諸人各逞才情連鑣並軫然猶存元紀之餘風未極隆時之正軌永樂以還體崇臺閣氣韻不振弘正之間獻吉仲默力追雅音庭實昌穀左右

騁斯古風未墜餘如揚用修之才華薛君
宋之雅正高子崇之冲淡俱稱斐然于漢
元美益以茂秦接踵曩哲雖其間規格有
餘未能變化識者咎其歎自得之趣焉然
取其菁英彬彬乎大雅之章也自是而後
正聲漸遠繁響競作公安袁氏竟陵鍾氏
譚氏比之自鄧無幾蓋詩教衰而國祚亦
爲之移矣此升降盛衰之大畧也編明詩

卷之四 明詩選 正德以前
嘉靖以下 彤體徒存尚書錢牧齋
明詩選於青邱茶陵外若北地信陽齊南
夏東概爲指斥且藏其所長錄其所短以
資排擊而於二百七十餘年中獨推程孟
陽一人而孟陽之詩纖詞浮語祇堪爭長
於陳仲醇諸家此猶舍丹砂而珍波勃貴
等芭而賤清琴不必大匠國工始知其

妾也 國朝朱太史竹垞明詩綜所收三
年四百餘家混門戶之見存是非之公比
之牧齋用心判別然備一代之掌故匪示
六義之指歸良楛正閏雜出錯陳學者將
問道以親風雅其何道之由余與周子欽
養風有同心慨焉決擇合群公選本暨前
賢名彙別而裁之於洪永之詩刪其輕靡
正嘉隆之詩汰其形似萬曆天啓以

下遂寥寥焉而勝國遺老廣爲搜羅比宋
逸民谷音之選得詩十二卷凡一千一十
餘篇皆深造渾厚和平淵雅合於言志永
言之旨而雷同沿襲浮艷淫靡凡無當於
美刺者屏焉有明之詩誠見其陵宋躐元
而上追前古也至楊廉夫倪元鎮諸公歸
諸元人錢牧齋吳梅村諸公歸諸 國朝
人編詩之中徵具國史之義其他前後七

子或存或刪理學諸子古文名家與夫黨錮殉國諸賢有及有不及因詩存人不因人存詩也寡聞罕見挂漏良多尚期博雅君子竊啓未逮乾隆三年秋七月望日長洲沈德潛題於靈巖山居

明詩別裁集卷一目錄

劉基二十首

汪廣洋三首

宋濂一首

陶凱一首

張昱三首

宋訥四首

張以寧六首



明詩別裁集卷一

長洲 沈德潛確士 同輯

劉基 基字伯溫青田人元進士洪

為胡惟庸毒死正德中追謚文成伯後
元季詩初尚辭華文成獨標高格時
欲追逐杜韓故起然獨勝允為一代
之冠樂府高于古詩古詩高于近
體五言近體又高于七言

走馬引

月詩別裁集卷一

魏觀 一首

詹 同一首

高啓 二十一首

楊基 八首



天冥冥雲濛濛當天白日中貫虹壯士拔
劍出門去手提讐頭擲草中擲草中血漉
漉追兵夜至深谷伏精誠感天天心哀太
乙乃遣天馬從天來揮霍雷電揚風埃壯
士呼天馬馳橫行白晝更不敢窺戴天之
恥自古有必報天地亦與相扶持夫差徒
能不忘而報越棲於會稽又縱之始知壯
士獨無愧魯莊何以為人為錢受之云明
宗被弑於晁

忽又庚申帝即位七年乃以尚書之言擢
文宗主於太廟而詔書但以私圖傳子為
言味於春秋復讐之大
義矣此詩蓋深譏之

梁甫吟

誰謂秋月明蔽之徃徃由織騎誰謂秋水
清清之徃徃隨沙泥人情且暮有翻覆乎
地倏忽成山谿君不見桓公相仲父豎刀
終亂齊秦穆信逢孫遂違百里奚赤符天
子明見萬里外乃以薏苡為文犀停婚仙

碑何震怒青天白日生虹蜺明良際會有
如此而况童角不辨粟與稊外間皇父中
艷妻馬角突元連牝鷄以聰為聾狂作聖
顛倒衣裳行疾藜屈原懷沙子胥棄魑魅
叫嘯風淒淒梁甫吟悲以淒岐山竹實日
稀少鳳凰憔悴將安棲拉雜成文極煩寃
蹟亂之致此離騷
遺音也

懊懷歌

白鷗養雛時夜夜啼達曙如何羽翼成各
自東西去其法本之打
起黃鸝兒篇

薤露歌

人生無百歲百歲復如何古來英雄士各
已歸山阿悲咽

玉階怨

長門燈下淚滴作玉階苔年年傍春雨一
上苑牆來婉而
曲

長門怨

白露下玉除，風清月如練。坐看池上螢，飛入昭陽殿。
宗子相云：不作怨語，怨已自潑。

感懷

驅車出門去，四顧不見人。回風卷落葉，颯颯帶沙塵。平原曠千里，莽莽盡荆榛。斂華能幾何，憔悴及茲辰。所以芳桂枝，不爭桃李春。雲林耿幽獨，霜雪空相親。

槁葉寒撼撼，羅帳秋風生。悽悽候蟲鳴，啞啞
歷賓鴻。驚美人抱瑤瑟，仰視河漢明。絲桐
豈殊音，古調非今聲。沉思空幽寂，歲月已
徂征。

結髮事遠遊，逍遙觀四方。天地一何濶，山川
杳茫茫。眾鳥各有飛，喬木空蒼蒼。涼登高
見萬里，懷古使心傷。竚立望浮雲，安得凌
風翔。

旅興

寒燈耿幽幕。蟲鳴清夜闌。起行望青天。明月在雲端。美人隔千里。山河杳漫漫。玄雲翳崇岡。白露凋芳蘭。願以綠綺琴。寫作行路難。憂來無和聲。絃絕空長嘆。

倦鳥冀安巢。風林無靜柯。路長羽翼短。日暮當如何。登高望四方。但見山與河。寧知天上雨。去為滄海波。恍懔對長風。坐感玄

髮。嗚弱水。不可航。層城岌岌。我淒涼。華表鶴大息。成悲歌。

晚同方舟上人登師子巖作

落日下前峰。輕烟生遠林。雲霞媚餘姿。松柏淡清陰。振策縱幽步。披襟陟層岑。蘂花籬上明。蒹葭草間吟。涼風自西來。颺颺吹我襟。榮華能幾時。搖落方自今。逝川無停波。急絃有哀音。顧瞻望四方。悵焉愁思深。

夏夜台州城中作

江上火雲蒸熱風。欲雨不雨天。夢夢良田
半作龜兆圻。杭稻日夕成蒿蓬。去年海賊
殺元帥。黎民星散劫。劫火紅。耕牛剥皮作戰
具。鋤犁化盡刀。劔鋒。農夫有田不得種。白
日慘澹衡茅空。將軍虎毛深。玉帳野爨不
入轅門中。健兒聞死烏自食。何人募下矜
奇功。今年大軍蕩淮甸。分命上宰麾元戎。

舞千再見有苗格。山川鬼神當劾忠。何為
旱魃還肆虐。坐令毒沴傷和沖。傳聞逆黨
尚攻剽。所過印隴皆成童。閩司恐畏破和
議。斥候悉罷雲邊烽。殺降共說有大禁。無
人更敢彎弧弓。山中悲啼海中笑。蜃氣繞
日。生長虹。古時東海辟孝婦。草木枯瘁連
三冬。六月降霜良有以。天公未必長瘖聾。
只今幅員廣無外。東至日出西太蒙。一民

一物吾肺腑仁者自是哀痲痲。蒼臯殞鳳
天所厭誰能抗。疏回宸睨夜長木末挂河
漢海嶠月魄升天東仰視皇天轉北斗。嗚
呼愁嘆何時終。

太公釣渭圖

璇室群酣夜。璜溪獨釣時。浮雲看富貴。流
水淡瀟眉。偶應非熊兆。尊為帝者師。軒裳
如罔有。千載起人思。
通首格高隱然
有王佐氣象

古戍

古戍連山火。新城殷地笳。九州猶虎豹。四
海未桑麻。天迴雲垂草。江空雪覆沙。野梅
燒不盡。時見兩三花。

望孤山作

返照千山赤。寒烟一島青。羈心霜下草。生
態水中萍。黃屋迷衰野。蒼梧隔洞庭。空將
垂老淚。洒恨到滄溟。

會稽南鎮夏王封蔽日騰空紫翠重陰壑
烟霞輝草木古祠風雨出蛟龍玄夷此日
歸何處玉簡他年豈再逢安得普天休戰
伐不令竹箭困輸供

會稽

和李子庚

風落餘花春事非愁心烟雨共霏霏溪雲
不爲從龍起山石何須學燕飛籬下舊存

彭澤菊林間新長首陽薇夜闌忽漫聞啼
鳥腸斷天邊信使稀

追和音上人

絕頂浮雲鎖石關曲途危磴阻躋攀他年
甲楯孤臣泣此日齋鐘老衲閑夜永星河
低半樹天清猿鶴響空山于戈未定歸無
處擬結茅廬積翠間

感興

天。孤。不。解。射。封。狼。戰。骨。從。橫。滿。路。旁。古。戍。
有。狐。鳴。夜。月。高。岡。無。鳳。集。朝。陽。瑀。文。畫。戟。
空。文。物。廢。井。頽。垣。有。雪。霜。漫。說。漢。庭。思。李。
牧。未。聞。郎。署。遣。馮。唐。

汪廣洋

廣洋字朝宗高郵人洪武中封忠勤伯拜右丞相尋貶廣

東詔數其罪自縊死

忠勤樓諸老夜直余時守省作詩

寄之

西掖延秋爽。高樓倚太清。玉繩當坐轉。銀漢近人明。上相思。經濟諸公任。老成不知前席夜。曾語及蒼生。

送許時用歸越

舊擢庚寅第。新題甲子篇。老來諸事廢。歸去此身全。烟樹藏溪館。霜禾被石田。鑑湖求一曲。吾計尚茫然。
當時有歸去而身未全者宋潛溪是也

登南海驛樓

海氣空濛。日夜浮山城。纔雨便成秋。馮唐頭白偏多感。倚遍天南百尺樓。

宋

漁

漁字景瀟。浦江人。元末除翰林編修。明初徵聘授皇太子承旨。正德中追謚文憲。

送許時用還剡

尊酒都門外。孤帆水驛飛。青雲諸老盡。白髮幾人歸。風雨魚羹飯。烟霞鶴氅衣。因君動高興。子亦夢柴扉。

陶

凱

凱字中立。天台人。洪武初召修元史。陞禮部尚書。出為朔

廣參政旋致仕

長乎戈頭歌

長安野人鑿地得古戈。上有疑字歲久俱滅磨。惜不能如豐城古。劔射牛斗吁嗟戈乎奈爾。何但見青銅。疑寒慕烟紫。月黑山深夜。飛雨恨血千年猶未銷。荒郊夜夜啼冤苦。當年趙括輕秦人。降卒秦坑化為土。

嗟哉趙亡秦亦亡。落日長城自今古。摩挲爾戈一問之。令人為爾生愁思。何不以爾為鍾鐻。何不以爾為鼎彝。吁嗟戈乎。徒爾悲爾。今還當太平。世人間銷兵鑄農器。願壽吾皇千萬年。終古不用戈與鋌。當時諸名家賦

此題者俱作七言長歌。惟作者得須揚木朝之辭。

張昱 昱字光弼。廬陵人。遷杭。元末行樞密院判官。明祖召至。深見温接。憫其老。曰可閉矣。放歸。先彌嘗於酒間為瞿宗吉誦歌風臺詩。

云世間快意寧有此。亭長歸來作天。子以界尺擊案。淵淵作金石聲。詩劇可傳。惜中間離失。韻語因割愛。刪去。

白翎雀歌

烏桓城下白翎雀。雄鳴雌隨求飲啄。有時決起天上飛。告訴生來毛羽弱。西河伶人火說赤。能以絲聲代禽聽。象牙指撥十三絃。宛轉繁音哀且急。女真處子舞進觴。圓衫蓬帶分兩傍。玉纖羅袖拓枝體。要與雀

聲相頽頽。朝彈暮彈。白翎雀。貴人聽之以
爲樂。變化春光。指頽間。萬蕊千花。動弦索。
只今蕭條河水邊。宮庭毀盡。沙依然。傷哉
不聞白翎雀。但見落日生寒烟。

感事

雨過湖樓。作晚寒。此心時暫。酒邊寬。祀人
惟恐青天墜。精衛難期。碧海乾。鴻雁信從
天上過。山河影在月中看。洛陽橋上聞鶯

處誰識當時獨倚闌

如此江山清集同王仲玉陸進之

呂世臣作如此江山亭名清集猶云雅集

吳越江山會此亭。暮春風景書真真。長空
孤鳥望中沒。落日數峰烟外青。不用登臨
生感慨。且憑談笑慰飄零。古今何限英雄
恨。付與江湖醉客聽。悲壯蒼涼不勝舉目
山河之異新亭雪涕

前後
同情

宋

訥

訥字仲敏。涇縣人。元季官監山知縣。明初徵為國子助教。

官至文淵閣大學士。遷祭酒。卒於官。

壬子秋過故宮

離宮別館樹森森。秋色荒寒上苑深。北塞

君臣方駐足。中華將帥已離心。興隆元世

祖所有管鸞笙歇。劈正斧名以玉為之。自

者朝會時一人執之。立於無官玉斧沉落

日憑高望燕薊。黃金臺上棘如林。

萬國朝宗拜紫宸。於今誰望屬車塵。名聞

少室徵奇士。驛斷高麗進美人。朝會寶燈

沉轉漏。授時玉歷罷班春。街頭野服儒冠

老。曾是花塲視草臣。

萬年海岳作金湯。一望淒然恨自長。禾黍

秋風周洛邑。山河殘照漢成陽。上林春去

宮花落。金水霜來御柳黃。虎衛龍墀人不

見。戎兵騎馬出蕭牆。

清寧宮殿閉殘花。塵世回頭換物華。寶鼎
百年歸漢室。錦帆終古似隋家。後宮鸞鏡
投江渚。北狩龍旗沒塞沙。想見扶蘇城上
月。照入清淚落悲笳。

張以寧 以寧字志道。古田人。元末官翰林學士。承旨。明初例徙南

京召為侍讀學士使安南道卒

蛾眉亭 碧酒雙玉瓶。獨酌蛾眉亭。不見李太白。惟

見三山青。秋色淮上來。蒼然滿雲汭。安得

十五弦。彈與蛟龍聽。 秋色淮上來。二

十字何減太白

送重峰阮子敬南還
君家重峰下。我家六溪頭。君家門前水。我
家門前流。我行久別家。思憶故鄉水。况乃
故鄉人。相見六千里。才年在揚州。五年在
京城。不見故鄉人。見君難為情。見君情尚
爾。別君奈何許。送君遽不堪。憶君良獨苦。

君歸過江上。爲問水中魚。別時魚尾赤。別後今何如。情致纏綿神似飲馬長城窟詩

送同年江學庭弟學文歸建昌

白髮江夫子。青雲信獨稀。故人長北望。令弟又南歸。庭樹鳥先喜。江帆雁共飛。東湖春柳色。到日上君衣。

過辛稼軒神道

長嘯秋雲白石陰。太行天黨氣蕭森。英雄

已盡中原淚。臣主原無北伐心。歲晚陰符仙靈化。夜寒雄劍老龍吟。青山萬折東流去。春暮鷓鴣啼宰樹林。

嚴陵釣臺

故人已乘赤龍去。君獨羊裘釣月明。魯國高名懸宇宙。漢家小吏待公卿。天回御榻星辰動。人去空臺山水清。我欲長竿數千尺。坐來東海看潮生。明人詠嚴陵者以此章爲最如蓋見先生

面黃昏過釣臺不有雲臺諸將力釣臺
在戰爭中皆風雅之魔道也方正學古
一章議論極正但語近於腐且廢郭后
事在微嚴光以後於事不合故舍梅

有感

馬首桓州又懿州朔風秋冷黑貂裘可憐
吹得頭如雪更上安南萬里舟

魏觀觀字起山蒲圻人洪武初就

州府事改修府治為指揮某告
許尋受御史張度所劾坐法死

都昌懷舊隱

江霧仍為雨山花故作容秋風餘鼠雀寒
水落魚龍慷慨心雖壯羈棲力已慵白雲
蕪浦上張望最高峰

詹同同字同文婺源人元末為郴

友諒為翰林學士承旨歸附後授國
子博士累官吏部尚書改翰林學士
承旨卒諡文憲

出獵圖

朔風凜凜吹龍沙年年馬上長為家陰山

大漠百草死。獵遍青海瀕。天涯旌旗裂。盡
霜華濕。萬騎馳。似雲集。蒼鷹歛翅。若飛
電。四尺神。葵作人立。什圍五攻。兵法存。發
蹤指示。知何人。豈無詭遇。獲禽者。誰能為
爾。梟鸞分。直將勇氣。飽所欲。寢虎之皮。食
虎肉。生擒山下。九青兕。射殺巖前。雙白鹿。
日暮歸來。雪洗箭血。洒腥風。滿河曲。穹廬
散野。如繁星。涼月蕭蕭。照平陸。酪漿跪進。

瑤瑤盤黃面。奚奴眼睛綠。明朝滿馬。馱
班。蕃王喜。生紅玉顏。馬知祝。緡三驅。意但
醉艷。能紫塞。間君不見。暴殄天物。焚成邱
畫師之筆。學春秋。還君此圖。三太息。使我
忽憶比蒲莧。

高 啓 啓字季勉長洲人洪武初召
修元史授翰林院國史編修
擢戶部侍郎放還為魏觀作上梁文
連坐死侍郎詩上自漢魏盛唐下
至宋元諸家靡不出入其間一時
大作手特才調有餘蹊徑未化

月詩別裁集

卷一

十一

變元風未能直追大雅
集中所存皆最上者

塞下曲

日落五原塞蕭條亭嶺空漢家討狂虜藉
役滿山東去年出飛狐今年出雲中得地
不足耕殺人以爲功登高望衰草感慨意
何窮爲千古開邊者垂戒

悲歌

征途嶮巖人乏馬飢富者不如貧少美游

不如惡歸浮雲隨風零落四野仰天悲歌
泣數行下

顧榮廟

晉侍中顧彥先有墓并祠在長洲之
東久而廢爲深祀縣令周君復之爲
賦是詩

軍司吳國秀神機夙起明弱冠游洛師已
蒙南金賞崎嶇諸王幕沉涵務遵養中羅
明詩別裁集

廣陵舉計服匪誠。在風雲一揮扇。義旅臻
同響。事成耻言勲。飄然理歸鞅。晋社始東
遷。群賢悉收獎。道謁真威會。矯翼丹霄上。
德聞一代稱。跡泯千齡往。時屯之良佐。英
謨益堪想。墳祠託荒郊。蕭條並榛莽。堯童
侵雨隧。淫巫闢塵幌。大夫過停轅。式瞻爲
含愴。衣冠復故貌。筵几陳新享。寡劣忝鄉
人。因歌表遐仰。李舒章云
似謝康樂

支遁菴

閑登待月嶼。遠叩棲雲關。石室閉千載。高
僧猶未還。殘燈黃葉下。古座青苔間。不見
跏趺影。鶴鳴空此山。

憶昨行寄吳中故人

憶昨結交游。俠客意氣相。傾無促戚十年
離。亂知不知日。費黃金出遊劇。狐裘蒙茸
欺北風。霹靂應手鳴。離弓拒玉地下衰草

白彷彿地是遠城東。馬行雪中四蹄熱。流
影欲追飛隼滅。歸來笑學曹景宗。生擊黃
獐飲其血。臯橋秦娘雙翠蛾。喚來尊前爲
我歌。白日欲沒奈愁何。迴潭水綠春始波。
此中夜遊樂。更多月出東山白。雲裡照見
船中笛聲起。驚鷗飛過片片輕。有似梅花
落江水。夫差城南天下稀。狂遊累日忘却
歸。座中爭起勸我酒。但道飲此毋相違。自

從飄零各江海。故舊如今幾人在。荒烟落
日野鳥啼。寂寞青山顏亦改。須知少年樂
事偏。當飲豈得言無錢。我今齒髮雖未老。
豪健已覺難如前。去日已去不可止。來日
方來猶可喜。古來達士有名言。只說人生
行樂耳。殊易故陳卧子選節去後六句然
終似神氣未舒

明皇秉燭夜遊圖

花萼樓頭日初墮。紫衣催上官門鎖。大家
今夕宴西園。高懸銀盤百枝火。海棠欲睡
不得成。紅妝照見珠分明。滿庭紫焰作春
霧。不知有月空中行。新譜霓裳試初按。內
使頻呼燒燭換。知更宮女報銅籤。歌舞休
催夜方半。共言醉飲終此宵。明日且免群
臣朝。只恐風露漸欲冷。妃子衣薄愁成嬌。
琵琶羯鼓相追逐。白日君心歡不足。此時

何暇化光明。去照逃亡小家屋。姑蘇臺上
長夜歌。江都宮裡飛螢多。一般行樂未知
極。烽火忽至將如何。可憐蜀道歸來客。南
內凄凉頭盡白。孤燈不照返魂人。梧桐夜
雨吹蕭瑟。光明燭二語活用聶夷中田家
詩意與題中秉燭相應巧而不

贈金華隱者

我聞名山洞府三十六一一靈蹤紀真葆

金華秀出向東南。遠勝陽明與句曲。樓臺
縹緲開烟霞。天帝賜與神仙家。靈源有路
不可入。但見幾片流出雲中花。子房之師
赤松子。三千年前亦居此。飛行恍惚誰解
尋。漫說至今猶不死。松花酒熟何處遊。瑤
草自綠春。巖幽群羊卧地散。如石老鹿耕
田馴似牛。聞有隱君子。乃是學仙者。自從
入山中。不曾到山下。世人莫知其姓名。以

山呼之不敢輕。樵夫忽見苦未識。只疑便
是黃初平。嗟我何為在塵網。遠望高峰若
天壤。茯苓夜煮儻許餐。鐵杖來敲石門響。
松花瑤草一
雙太白佳境

聽教坊舊妓郭芳卿弟子陳氏歌

時至正己
亥歲作

文皇元文在御昇平日。上苑宸遊駕頻出。
仗中樂部五千人。能唱新聲誰第一。燕國

佳人號順時郭芳姿容歌舞總能奇中官
奉旨時宣喚立馬門前催畫眉建章宮裡
長生殿為藥初開救張宴龍笙罷奏鳳絃
傳共聽嬌喉似鶯囀過雲妙響發朱唇不
數開元許永新綉陞花驚飄艷雪文梁風
動委芳塵翰林才子山東李洞每進新詞
蒙上喜當筵接罷謝天恩捧賜纏頭蜀都
綺晚出銀臺酒未消侯家主第強相邀寶

釵珠袖尊前賞占斷春風夜復朝回頭樂
事浮雲改瘞玉埋香今幾載世間遺譜竟
誰傳弟子猶憐一人在曾記霓裳學得成
朝元閣裡藝初呈九天聲落千人聽丹鳳
樓前月正明狹斜貴客叢車馬不信芳名
在師下風塵一旦葉城荒誰是花前聽歌
者從此飄零出教坊遠辭京國家殊方閉
門春盡無人問編袂青裙不理妝相逢為

把雙蛾。感水調涼州歌。續續江南年。少未
曾聞元是當時供奉曲。朝使今年海上歸。
繁華休說亂來非。梨園散盡宮槐落。天子
愁多內宴稀。始知歡樂生憂患。韓休老去
無人諫。傷心不見昔人歌。汾水秋風有飛
雁。此日西園把一危。感時懷舊盡成悲。合
情欲為秋娘賦。愧我才非杜牧之。與少陵
六娘弟子舞劍器歌同一用意蓋格別在
國之思意不在教坊弟子也而詩格別在

元和長
慶之間

登金陵雨花臺望大江

大江來從萬山中。山勢盡與江流東。鍾山
如龍獨西上。欲破巨浪乘長風。江山相雄
不相讓。形勝爭誇天下壯。秦皇空此瘞黃
金。佳氣葱葱至今王。我懷鬱塞何由開。酒
酣走上城南臺。坐覺蒼茫萬古意。遠自蒼
烟落日之中來。石頭城下濤聲怒。武騎千

月詩刊卷一
卷一
三

明詩別集 卷一
群誰敢渡黃旗入洛竟何祥。鉄鎖橫江未
爲國前三國後六朝。草生官闕何蕭蕭。英
雄來時務割據。幾度戰血流寒潮。我今幸
逢聖人起南國。禍亂初平事休息。從今四
海永爲家。不用長江限南北。

張中丞廟

延秋門上烏啼霜。羯兒曉登天子牀。江頭
老臣淚暗滴。萬乘西去關山長。公知相率

作降虜草間拜。泣如群羊當時不識顏。平
原豈復知有張。睢陽孤城落日百戰後。瘦
馬食尾人裹瘡。男兒竟爲忠義死。碧血滿
地嗟誰裁。賀蘭不斬上方劍。英雄有恨何
時忘。千年海上見祠廟。古苔叢木秋風苦。
摩挲畫壁塵網裡。勇氣嗔嗔虬髯張。巫歌
大招客。酌酒忠魂或能來故鄉。

唐昭宗賜錢武肅王錢券歌

妖兒初下合元殿。天子仍居少陽院。諸藩
從此擁連城。朝貢皆停事。攻戰岐王一去
梁王來。長安宮闕生蒿萊。天目山前異人
出。金戈雙舉風烟開。羅平惡鳥啼。初起犀
弩三千射。潮水歸來父老拜。旌旗醜酒拖
牛宴鄉里。擊裘駿馬驕春風。錦袍玉帶真
英雄。詔書特賜誓終始。黃金鏤字旌殊功。
虎符龍節形弓矢。後嗣猶令赦三死。盡言

思。寵冠當時。天府丹書未逾此。摩挲舊物
四百年。古色滿面凝霜烟。天祐宰相署名
在。尋文再讀心茫然。古來保族須忠節。受
此幾人還覆滅。王家勲業至今傳。不在區
區一方鐵。人生富貴知幾時。泰山作礪徒
相期。行人曾過表忠觀。風雨斷蘚蘊殘碑。

送謝恭

涼風起江海。萬樹盡秋聲。搖落豈堪別。時

踏空復情帆過京口渡。砧響石頭城爲客。歸宜早。高堂白髮生。

與劉將軍杜文學晚登西城

木落悲南國。城高見北辰。飄零猶有客。經濟豈無人。鳥過風生翼。龍歸雨在鱗。相期俱努力。天地正烽塵。悲壯

晚次西陵館

匹馬倦嘶風。蕭蕭逐轉蓬。地經兵亂後。歲

盡容愁中。晚渡迴潮急。寒山舊驛空。可憐今夜月。相照宿江東。

送沈左司從汪參政分省陝西汪

由御史中丞出

重臣分陝去。臺端賓從威儀。盡漢官四塞。河山歸祓籍。百年父老見衣冠。函關月落聽雞度。華岳雲開立馬看。知爾西行定回首。如今江左是長安。音節氣味格律詞華無不入妙青印集中

為金和
玉筍

送葉判官赴高唐時使安南還

銅柱崖前使節過，貢隨歸騎入京多。
 一官暫遣陪成瑨，片語曾煩下趙佗。
 曉拜賜衣辭絳闕，秋催征棹渡黃河。
 政餘好賦登臨詠，聞說州人最善歌。
南陽太守成瑨任功
曹岑暉時謠曰南陽
太守岑弘農成瑨但坐嘯三語切判
官四語切使安南還也如此運古乃見典
切高唐

送李使君鎮海昌州有懷

海風千里捲雙旌，按轡初聞屬部清。
 人雜島夷爭午市，潮隨山雨入秋城。
 鳴狐不近睢陽廟，突騎猶屯廣利營。
 肯掃帳中容我醉，夜深燃燭卧談兵。

清明呈館中諸公

新烟著柳禁垣斜，杏酪分香俗共誇。
 白下有山皆繞郭，清明無客不思家。
 卞侯墓上

迷芳草。廬女門前映落花。喜得故人同待詔。擬沽春酒醉京華。

吊岳王墓

大樹無枝向北風。十年遺恨泣英雄。班師詔已來三殿。射虎書猶說兩宮。每憶上方誰請劍。空嗟高廟自藏弓。柳霞嶺上今回首。不見諸陵白露中。
鳳洲作英氣勃發。諸此和平。溫厚之篇。又奕然失矣。通體責備高宗。居然史筆。此本作千年遺恨。應以十年為典。

涼州曲

關外垂楊早換秋。行人落日旆悠悠。隴山高處愁西望。只有黃河入漢流。
高

秋柳

欲挽長條已不堪。都門無復舊參參。此時愁殺桓司馬。暮雨秋風滿漢南。

楊

基

基字孟載。其先蜀人。居於吳。用薦入官。任至山西。按察使。被謫奪職。供役卒於工所。孟載春草詩云。六朝舊恨斜陽裡。南浦新愁。

細雨中。詩為佳句。然大概近。續他如
春風。顛似。唐張旭。天氣和。如魯展。名
白露。下田。千點。雪黃。鶯上。樹一枝。花
殊乘。大雅。矣。集中。收七言。律二章。
上格。頗

感懷

羈鷹斂六翮。棲息如鷦鷯。秋風颯然至。聳
目思凌霄。英雄在承平。白首為漁樵。匪無
搏擊能。不與狐兔遭。長星亘東南。壯士杖
寶刀。落落丈夫志。悠悠兒女曹。

鄧禹南陽來。仗策歸光武。孔明臥隆中。不
即事先主。英雄各有見。何必問出處。孫曹
與史始。未可同日語。向非昭烈賢。三顧猶
未許。君子當識時。守身如處女。

聞鄰船吹笛

江空月寒露華白。何人船頭夜吹笛。參差
楚調轉吳音。定是江南遠行客。江南萬里
不歸家。笛裡分明說鬢華。已分折殘堤上

柳莫教吹落隴頭花

登岳陽樓望君山

洞庭無烟晚風定。春水平鋪如練淨。君山一點望中青。湘女梳頭對明鏡。鏡裡芙蓉夜不收。水光山色兩悠悠。直教流下春江去。消得巴陵萬古愁。

長江萬里圖

我家岷山更西住。正見岷山發源處。三巴

春霽雪初消。百折千回向東去。江水東流

萬里長人今漂泊。尚他鄉煙波草色時常

恨。風雨猿聲欲斷腸。七言短古原本

岳陽樓

李頌常建詩公

春色醉巴陵。鬪干落洞庭。水吞三楚白。山

接九疑青。空濶魚龍氣。婬娟帝子靈。何人

夜吹笛。風急雨冥冥。應推五言射雕手

送魏萬之安西

梁苑微霜木葉紅。行人此日發關東。酒邊
怨別看長劍。馬上驚心見斷蓬。雲散岳蓮
開泰華。月寒郊樹隱新豐。窮秋亦有臨邊
使。待爾題詩寄塞鴻。

感秋

嫋嫋西風吹逝波。冥冥灝氣逼新河。宣王
石鼓青苔盡。武帝金盤白露多。八陣雲開
屯虎豹。大江潮落見龜鼉。沅湘一帶皆秋
草。欲采芙蓉奈晚何。

明詩別裁集卷一

明詩別裁集卷二目錄

張羽 五首

徐賁 三首

林弼 一首

王蒙 一首

張簡 一首

王彝 一首

劉炳 三首

郭翼 一首

袁凱 八首

周致堯 一首

劉崧 三首

周滇 一首

王旬 一首

周立 一首

林鴻 九首

貝瓊 五首

凌雲翰 一首

邱民 一首

練高 一首

管訥 一首

張宣 一首

魯淵 一首

李延興 四首

日詩別集卷之二

孫 蕢 四首

黃 哲 二首

沈夢麟 一首

滕 毅 一首

藍 仁 三首

藍 智 二首

甘 瑾 二首

王 傅 一首

浦 源 一首

吳文泰 一首

烏斯道 一首

許 繼 一首

胡 奎 二首

顧文昱 一首

同詩別集

卷二目錄

三

明詩別裁集卷二

明詩別裁集卷二

長洲 沈德潛確士

周 準欽萊 同輯

張 羽 羽字來儀溧陽人因兵阻居

兼翰林院同掌文淵閣事以事竄

外未半道召還知不免技龍江死

兩山夾滄江拍浮若無根利石伴劍戟風

濤相吐吞維天設巨險為今國東門試將

月詩別裁集卷二

一卒守堅若萬馬屯吾來犯清曉天空霜
露繁列宿森在列北斗端可接江光合海
氣冥瘁神攸存俯視不敢噤中有蛟龍踞
浮屠若誰予高足凌風幡下見渡口人揚
擾遙蟻蟻言愧彼超世士去去將何言李辰
詩作於洪武甲寅未三十歲而
燕師從此入矣請之可勝浩歎

秋日荅溪道中

深秋群物蕭灑氣明朝陽方每蕩清溪良

遊閱景光疎林綴餘綠菰浦搖晚芳鳴
去杳杳遙嶼巖蒼蒼閑行無物役迥沿自
徜徉寂寞欣有得留連豈為荒一理滄浪
詢知音非所望

清口

豁達兩河口前與黃河通高岸忽斗折清
淮滙其中甘羅城在南韓信城在東一為
秦人英一為漢家雄人生有不死所貴在

北功方其未遇時。庶鹿常人同時命苟未
會。丈夫有固窮。舍舟登高防。歲暮百草空
陂陀隴畝間。一二羸老翁。遺跡不可問。但
見芳榛叢。行行重回首。目斷雙飛鴻。

贈僧還日本

杖錫總隨緣。鄉山在日邊。遍參東土法。頓
悟上乘禪。咒水龍歸鉢。翻經浪避船。本來
無去住。相別莫潛然。

題陶處士像

五兒長大翟卿賢。彭澤歸來只醉眠。簾下
黃花門外柳。風光不似義熙前。

徐 賁 賁字幼文其先蜀人徙居吳

兩布政使 尋下獄死

過荷葉浦

翻翻水溶溶。澹澹烟消午。不見唱歌人。空
來荷葉浦。無處寄相思。停舟采芳杜。

柳短短送陳舜道

柳短短春江滿。蘭渚雪融香。東風釀春暖。
山長水更遙。浩蕩木蘭橈。蘭橈向何處。送
君南昌去。離愁落日烟中樹。

送西伯滋赴西河將幕

上將初分閫。儒官解習兵。風旗春獵野。雪
帳夜歸營。沈水從岷下。祈山入隴平。知公
能載筆。草檄報邊聲。

林弼

字元凱。龍谿人。仕元為海
州府知事。明初與修禮樂書。

除禮部主事
歷登州知府

秦皇廟

蠶食雖風逐。逝波荒祠寂。寂寄巖阿三神。
山下仙舟遠。萬里城邊戰骨多。東魯尚存
周禮樂。西秦空壯漢山河。早知二世無多
祚。崖石書功不用磨。
結意與李義山地下
若逢陳後主。豈宜重

問後庭花同
是一種風刺

王蒙字叔明吳興人元末官理

蒙字叔明吳興人元末官理

暮宿田家作

木落天正寒山空日將暮
荒林倦鳥歸亂水行人渡
窮年滯草莽短褐被霜露
晚宿依田家主人情亦故
汲水泉滿澗燒竹烟在戶
鐘殘溪上村月照階前
樹濁酒初漉醅嘉蔬亦時具
且慰飢渴懷况詣村野趣

老翁八十餘有子沒征戍
稅稍戡莫奴官司日加賦
我願息兵戈海宇重農務
愧乏經濟才徒然守章句

張簡字仲簡吳人初為道士元

季兵亂以母老歸養洪武初

醉樵歌

東吳市中逢醉樵鐵冠歌側髮飄蕭兩眉

矻矻何所負青松一枝懸酒歌自言華蓋
峰頭佳足跡踏遍人間路學劍學書總不
成惟有飲酒得真趣管樂本是王霸才松
喬自有烟霞具手持崑岡白玉斧曾向月
裡斫桂樹月裡仙人不我嗔特令下飲洞
庭春興來一吸海水盡却把珊瑚檮作薪
醒時澹迤逢王質石上看棋黃鶴立斧柯
爛盡不成仙不如一醉三千日於今老去

名空在處處題詩攬酒債淋漓醉墨落人
間夜夜風雷起光怪

王 曩曩字常宗嘉定人以布衣
修元史入翰林後坐太守
觀事坐法死

秋林高士圖

嵐峰半殘陽彩翠明林杪僧塢遠鐘微歸
人下山少風杉落葉響驚起棲烟鳥携手
願言還前村月初皎

劉

炳

字彥昂以字行都陽人初獻書任中書典義

春夕直左掖懷周侍御

晚雨池上晴遠迤澹將夕金莖華月生綺

樹流雲濕寔虛漏聲永幔卷爐烟襲憶我

同祀人何繇共瑤席

楊庶夫云仿書

寄許永明公冕昆季得夫先生

與君往歲從戎日正值中原戰血腥諸葛

有心扶漢室色屑無淚爰秦庭九鷲夜徙

龍沙黑八駿秋迷島道青一別關河俱白

首斷腸烟樹滿長汀

同周伯寧連榻劇談悲歌有感

醉來拔劍斫珊瑚迴首侯門是畏途夜半

聞雞眠不著草堂秋雨讀陰符

郭

翼

字義仲自號東郭生崑山人明初徵授學官

城南草堂與顧仲瑛夜話

北花發草堂風雨春青燈剪韭話情親亂葉

隔世今何夕。生死論交竟幾人。城郭是非
華表鶴。蓬萊清淺海中塵。三千賓客馮驩
在。莫怪悲歌撫劍頻。

表

凱

凱字景文。華亭人。洪武中徵

詣海表。拜海史。以病免歸。李獻吉
杜之。歸。意傷于平直。未極變化。若
七言。斷句。在李庶子劉賓
客間。青印。益載。俱未及也。

楊白花

楊白花飛入深宮裡。宛轉房櫳間。誰能復

禁。爾胡為高飛渡江水。江水在天涯。楊花
去不歸。安得楊花作楊樹。種向深宮飛不
去。

客中除夕

今夕為何夕。他鄉說故鄉。看人兒如大。為
客。歲年長。戎馬無休歇。關山正渺茫。一杯
柏葉酒。未教淚千行。

京師得家書

日言昇壽集 卷二
江水三千聖家書十五行行無別語只
道早還鄉天嶺

客中夜坐

落葉蕭蕭江水長故園歸路更茫茫一聲
新雁三更雨何處行人不斷腸

淮東逢張十二信

少年追逐共西東吳邁文章馬亮功一自
干戈零落後白頭淮海獨相逢不減白首
何處之作

揚州逢李十二衍

與子相逢俱少年東吳城郭酒如川如今
白髮知多少風雨揚州共被眠

題李陵泣別圖

上林木落雁南飛萬里蕭條使節歸猶有
交情兩行淚西風吹上漢臣衣王元美云
頗見風雅

淮西夜坐

見詞苑意屬李陵之非自
見漢臣二字春秋之筆

蕭蕭風雨滿闌河。酒盡西樓。聽夜過。莫怪
行人頭盡白。吳鄉秋色不勝多。
吳明卿云悲婉欲第

周致堯 致堯字煥文崇德人平江善隱山長

西津夜泊

孤帆夜落石橋西。橋外青山入會稽。卧聽
海潮吹地轉。起看江月向人低。春長謝
隣皮骨萬國壽。虞夏幾輦何處商船歌。水
調令人歸思益冥迷。

劉 崧 崧字子高泰和人明初以入才舉歷仕至國子司業。子

高詩辭采鮮明骨格未高應是學溫飛卿一派

姑蘇曲

姑蘇城頭烏夜啼。姑蘇臺上風淒淒。芙蓉
露冷秋香死。美人夜泣雙蛾低。銅龍咽寒
更漏促。手撥繁絃轉紅玉。鴛鴦飛去樓前
空。猶唱吳宮舊時曲。

題余仲揚畫山水圖為余自告

金華山人余仲揚筆墨蕭疎開老蒼昨看
 新園湖上宅烟霧白日生高堂層峰上蟠
 石鶴綺絕島下瞰江茫茫長松並立各千
 丈間以灌木相低昂松下上人坐碧草秋
 影忽落衣巾涼囊琴未發絃未奏已覺流
 水聲洋洋赤城霞氣通雁蕩巫峽雨色來
 瀟湘誰能千里坐致此欲往久嘆河無梁
 風塵漲天滿吳楚六年張望神慘傷玄猿

苦啼嘒北樹白雁不到江南鄉楮山焚林
 絕人迹如此山水非尋常此圖本為自安
 窩亦感同姓悲殊方幽軒素壁泉聲動對
 此令我心為狂何由捫蘿迹麋鹿振衣直
 上雲中岡登臨一寫漂泊恨長嘯清風生
 八荒

玉華山

翠巘千峰合丹崖一徑通樓臺上雲氣草

木動天風野曠行人外江平落雁中傷心
俯城郭烟雨正冥濛

周

滇

滇字伯寧江寧人明初任饒州長史歷仕至刑部尚書

舟中望九華山

貞履無素期勞生意恒窘誰云戒戎路曾
是返初隱水宿淹長暮山行阻修跡縹緲
對樵標噴吼發奇蘊巖回氣如燠峰去勢
猶引刺削冠青蓮雕鏤轟丹筍堪霞上斑

剝石乳下礪礪山鬼從文細淵靈顯玄
曠言志藜藿未遂采芝茵即事情已悲懷
賢迹俱泯潛兵愧梅福去汶蓋閱損人德
陰未夷天道明可準臯蘭豈徒歌巖桂若
未隕歲暮山中人寤歌候歸軫善學謝公
巖四十字

尤

王

旬

旬字子宣里居未詳

官詞

南風吹漸柔。菱歌夜雨新。添太液。波水歌。
雲房三十六。不知何處月。明多高廷禮云

龍榜

周立 立字公禮 長州人

行經華陰

西游莫嘆勞。行役風物繁。華記往年十里。
關河臨渭水。萬家烟樹入秦川。露盤臺迴。
金為掌。華嶽峰高石作蓮。問道盛時多宴。

樂更傳車馬幸溫泉

林鴻 鴻字子羽 福清人 明初以薦授將樂訓導 後拜禮部員外郎

即○聞中詩以子羽為晉宗法唐人繩趨天步衆論以唐臨晉帖必之然終是正涉

感秋

撫劍終夜起。氣候何凄清。天高白露下。北
斗當前極。嗷嗷雙飛鴻。隨陽亦宵征。微禽
爾何知。寒暑嬰其情。始知玩物化。中復念

吾生三十志有立一經尚無成。緬懷古哲
入信與大運。并道在無終。始時來暫衰。坐
感嘆不能寐。延首東方明。

飲酒

儒生好奇古。出口談唐虞。倘生羲皇前。所
談竟何如。古人既已死。古道存遺書。一語
不能踐。萬卷徒空虛。我願但飲酒。不復知
其餘。君看醉鄉人。乃在天地初。

金雞嶼僧室

遠公青蓮語。百尺構雲闕。一徑入松蘿。山
泉濯苔巖。石房彈玉琴。清響在林樾。夜來
滄海寒。夢遶波上月。微吟白雲篇。高興了
未輟。無能悟聲聞。安得離言說。
夜來滄海
寒十字得

無諸釣龍臺懷古

無諸昔建國。赤土疏王封。築臺青冥上。垂

釣滄江龍乘龍去不返千載如飛蓬只今
荒臺上寂歷多遺蹤我有太古懷來吟江
上峰天青海氣滅地古寒烟濃渾水綠萬
丈秋岑碧千重登臨未能已落日催霜鐘

同鄭二宣江上泛舟

載酒入江色酒多江復長酷來散予纓濯
向春流香東壁過疎雨西崦殘夕陽猿禽
相叫嘯靈木共清蒼夕景更沈覽客程殊

未央魚風葦上起蚌月波中光當以事滄
海永期名跡忘乘槎予豈必聊復詠滄浪

巫峽啼猿歌送印少府歸四明

巫山巫峽連三巴猿啼三聲客思家停舟
聽之聲未了却過青枝猶裊裊野入乍來
錦官城清秋滿峽啼猿聲黃牛灘上怨紅
落白帝祠前哀月明商聲清冽羽聲亂
悠忽東崖復西澗久客聞之淚欲乾壯夫聽

此魂亦斷故人歸。卧越山雲憶得啼。猿歌送君扁舟獨宿剡溪夜。叶月三聲誰共聞。

出塞曲

十五薊門行。能探黠虜情。潛兵秋度磧。牧馬夜歸營。苦霧沈旗影。飛霜濕鼓聲。昨來承密詔。東築受降城。

送高即中使北

漢使臨邊日。天驕已請和。看花辭紫陌。犯

雪渡交河水。草留行帳雲。沙想玉珂從。來清漠北。婁敬策居多。風刺得唐人辭

寄逸人高漫士

獨倚城南百尺闌。粵鄉秋思浩漫漫。平臺樹色催殘照。近郭砧聲報早寒。雲物正當搖落後。關河終念別離難。龍門別墅今宵月。誰與相同把酒看。

貝瓊瓊字廷瑤崇德人洪武初徵修元史除國子助教

穆陵行

至元中西僧揚璉真伽利宋諸陵寔
玉因倡妖言惑主盡發墳宮之在會
稽者斷理宗頂骨爲飲器璉敗歸內
府九十年矣洪武二年正月詔宣國
公求之得於僧汝訥所乃命基金陵
聚寶山石以表之予感而賦詩

六陵草沒迷東西冬雪花落陵上泥黑龍

斷首作飲器風雨空山魂夜啼當時直恐
金棺腐鑿石通泉下深鐫一聲白雁度江
來寶氣竟逐妖僧去金屋猶思宮女侍至
衣無復祠官護可憐持此月氏王寧飼烏
鳶及狐兔真人歛見起江東鐵馬九月踏
崆峒百年枯骨却南返雨花臺下開幽宮
流螢夜飛石虎殿江頭白塔今可見人間
萬事安可知杜宇聲中淚如霰白鳳亭音
似白顏見

當時
童謠

經故內

山中玉殿盡蒼苔。天子蒙塵豈復回。地脉
不從滄海斷。潮聲猶上浙東來。百年禁樹
知誰惜。三月宮花尚自開。此日登臨解題
賦。白頭庾信不勝哀。

送楊九思赴廣西都尉經歷

印笥康居路盡通。西南開鎮兩江雄。漢家

大將推楊僕。蠻府參軍見郝隆。象跡滿山
雲氣白。雞聲千戶日車紅。明珠薏苡無人
辨。行李歸來莫厭窮。

此類多實玉真勿厭清貧工於脫化

送王克讓員外赴陝西

貂裘萬里獨衝寒。舊是含香漢署官。白雪
作花人面落。青山如鳳馬頭看。關中相國
資王猛。海內蒼生望謝安。應念東南有道
侯。采芝深谷尚盤桓。

父山隱居夏日

病容從教癩出村。兩山一月雨昏昏。野
花作雪都辭樹。溪水如雲欲到門。無復元戎
喧鼓吹。試從田父牧雞豚。來青處士時相
過。猶是平原舊子孫。

凌雲翰 雲翰字彥神錢塘人洪武初以薦授四川成都教授

關山雪霽圖

前峰後峰雪模糊。東村西村春有無。快雪

時晴入佳想。况復見此關山圖。關山迢遞
杳聯屬。玉縠珠光眩人目。扶桑飛上金畢
逋。暗水流漸度。空谷野橋行過路。三义青
旗插檐沽酒家。驅驢倦客得少憇。悵望遠
道還咨嗟。詩翁好事常起早。天寒只恐梅
花老。燕門時有故人來。階下白雲湏用掃。
此圖一日落塵寰。筆法依稀荆與關。人生
遠遊固云樂。何似在家長看山。我本識字

耕夫耳占祥便作豐年喜。田園歸隱會有時。麥飯籠餐茅屋底。

印民字克莊揚州人洪武初為松江學官仕至禮部侍郎

送友人至杭

又隨南雁度錢塘。不道他鄉是故鄉。江水秋風蕙菜美。山中春雨石田荒。杜陵老去寧忘蜀。江總歸來不是梁。欲采芙蓉贈君去。錦衣零落倍淒涼。

練高字伯上新淦人洪武中知起居注以直言忤旨外謫廣

德州同知

送趙將軍

崆峒一劔倚秋陰。誰識將軍百戰心。老去功名餘白髮。閑來歌舞散黃金。呼鷹大澤風竿勁。射虎南山雪羽深。敲缺唾壺銀燭短。時人不解隴頭吟。

管訥字時敏華亭人洪武中從拜楚府總管陞左長史

和陸伴讀園過梅根

江行愜素懷。遐覽匪遊冶。開蓬望九華。隱
隱白雲下。素波明遠川。青天入平野。烟樹
淡欲無。風泉斷還瀉。因知美陂舟。差勝習
池馬。斯遊樂未央。我輩胡為者。

長

宣

宣字彙仲江陰人洪武初召
修元史擢翰林編修既而謫

車

感隣婦

日月光八表。焉能照覆盆。可憐東家婦。哀
聲時一吞。將軍豈不仁。養士亦有恩。夫計
緣數奇。車徒散雲屯。寧知邊頭骨。盡是忠
義魂。妾今止一身。入無子與孫。婦人不
下堂。寧上他人門。死者已如此。何以慰生存。
貞節語好在。斷絕與波瀾。
善不起妾心。井中水一例。

魯

淵

淵字道原淳安人元進士明
初徵修禮樂書授江西按察

司命事
以病辭

重九

白雁南飛天欲霜。蕭蕭風雨又重陽。已知
建德非吾土。還憶并州是故鄉。蓬鬢轉添
今日白。菊花猶似去年黃。登高莫上龍山
踞。極目中原草木荒。

李延興

延興字繼本東安人元
進士洪武初屬興邑校

丙申歲詠懷

白首殊方客。奔馳戎馬間。時危憂母老。歲

晚寄書還。凍雪連荒野。寒雲出亂山。蒼茫

西日外。痛癢倚柴關。

辛苦憐吾弟。荒山久避兵。素書連月斷。白

髮滿頭生。雪翳窓燈影。風沉戍鼓聲。寸心

憂百結。寂寞度殘更。

妻子何時見。凄涼病轉侵。虛傳千里信。已

負百年心。茅屋飛霜滿。空階落葉深。白頭

吟正苦。回首淚霑襟。

得杜詩氣辭俱渾
厚沉鬱處未到

讀賈誼王粲傳

白髮悲三粲。青春羨賈生。萬言辭慷慨。一賦氣崢嶸。平屈心猶壯。依劉恨未平。懷賢坐長夜。耿耿若為情。

孫

賈

賈字仲衍南海人洪武中授蘇州府經歷坐黨禍死

燉煌城下沙如雪。燉煌城頭無六月。關西勁卒築防秋。捷書夜半飛龍樓。九重下詔徵貔虎。推轂上將開節府。黃旗卷日大軍

行旄頭。化日夜有聲。燉煌迢迢五千里。十月即渡黃河水。上將翩翩才且雄。平戎不數貳師功。叱咤猶在輪臺北。匹馬已入渠黎國。左較偏裨晚射鵠。倚鞍醉索單于朝。西山黑風吹墮瓦。霜角吹秋寒垣下。太平今見遠宣威。君往從戎幾日歸。幕下文儒能耀武。詞林從此有光輝。

善學嘉州

次歸州

日言另表集 卷三 三三
歸州城門半天裡。白雲晚向城下起。市廛
架屋依巖巖。婦女提嬰汲江水。巴山雪消
江水長。城中夜聞灘響。客船樹杪鈎石
稜。漁父雲端曬罾網。家家蕪田山下犁。倒
枯大樹燒作泥。居人養犬獲山鹿。穉子縛
柴園野雞。焚王臺高對赤甲。四時猛氣長
颯颯。柁工鳴板避漩渦。櫓聲搖上黃牛峽。

下瞿塘

我從前月來西州錦官城。下十日留回船。
正值重九節。巫山巫峽風颼颼。人言灩澦
大於馬。瞿塘此時不可下。公家王事有程
期。敢憚微軀作人鮓。人鮓塞頭翻白波。怒
流觸石爲漩渦。長年鼓板助船客。波浪一
擲如飛梭。灘聲櫓聲歷亂聒。緊搖手滑櫓
易脫。沿洄劃轉如旋風。半側船頭水花沒。
船頭半沒船尾高。水花作雨飛鬣毛。爭牽

月詩別裁集

百丈上崖谷。兩旁捷走如猿猴。停船把酒
酌蒼昊。因笑吾生真草草。吟詩未解追謫
仙。萬里經行蜀中道。已東東下想安流。便
指歸州向峽州。船到岳陽應漸穩。洞庭霜
降水如流。

湖州樂

湖州溪水穿城郭。傍水人家起樓閣。春風
垂柳綠軒窗。細雨飛花濕簾幕。四月五月

南風來。當門處處芙蓉開。吳姬畫舫小於
斛。蕩槳出城沿月回。菰蒲浪深迷白紵。有
時隔花聞笑語。鯉魚風起燕飛斜。菱歌聲
入鷺鷥渚。

黃

哲

哲字庸之。番禺人。明初用薦
拜翰林待制。出授東平府通

判坐
法死

過梁昭明太子墓

帝子降南浦。飄飄蒼桂陰。神飈迎震闕。玄

跡。明。坤。岑。鳳。陵。輝。璞。蘊。龍。泓。媚。珠。沉。文。藻。
絢。華。燄。芳。芬。揚。素。襟。遺。編。軼。正。雅。曠。代。殊。
徽。音。玉。馬。風。雲。變。金。鳧。歲。月。深。霜。蘭。秋。被。
坂。烟。蘿。夕。翳。林。采。蘋。思。永。蕪。捐。珙。遂。幽。尋。
靈。修。忽。爾。逝。歲。宴。勞。予。心。遼。東。鶴。馭。遠。緜。
嶺。鸞。笙。吟。秋。因。懷。昔。營。營。徒。慨。今。瑤。華。
竟。哀。歌。惆。悵。雍。門。琴。過昭明墓詩
應作選體

秋夜雜興呈余典籤頴

霽。杓。運。西。宇。華。月。麗。中。楹。坐。知。流。序。易。遷。
夜。秋。風。生。銀。漢。呈。霄。景。金。堂。含。夕。清。柔。條。
棲。湛。露。嘉。蕙。茁。幽。莖。撫。跡。遂。成。感。如。何。君。
遠。征。相。思。雲。陽。浦。豈。免。限。玉。京。寸。心。渺。何。
極。搖。蕩。如。懸。旌。

沈夢麟

夢麟字元昭歸安人元末爲
武康尹入明以賢良徵起授

大關浙者三同
考會試者再

和邵山人

亂後還家如旅泊。愁中貰酒喜人過。每吟
栗里停雲句。不作南山種豆歌。故宅東風
歸燕靜。孤村夜雨落花多。白頭却憶觀光
日。曾賦神明與馭娑。

晚唐風韻

滕毅 毅字仲弘。鎮江人。以儒士徵授起居注。擢吏部尚書。出參

西江

感事

飛龍爭二十秋。江波日夜自東流。道旁

無語玉孫泣。天際含顰帝子愁。首蒼風
空壁壘。蕪葭霜露滿汀洲。多情惟有西山
月。永夜依依照白頭。
故國之恩如閭黍。此宋文恪過

官作風神較勝

藍仁 仁字靜之。崇安人。明初

暮歸山中

暮歸山已昏。濯足月在澗。衡門樓鶴定。曉
樹流螢亂。妻孥候我至。明燈共蔬飯。竹立

松桂涼疎星隔河漢

宿橋山田家懷蔣先生

蒼峰落日微。白鶴秋風遠。客路入疎鐘。田
家背山坂。孤烟桑柘寒。歸鳥茅茨晚。欲覓
紫芝翁。山深白雲滿。

西山暮歸

涼葉墜微風。秋山正蕭爽。天寒獨鳥歸。日
夕百蟲響。偶從桂樹招。遂有桃源想。石磴

閒無人。山猿自來往。

藍

智

智字明之。崇安人。明初
應薦授廣西按察僉事。

雨中同孟原僉憲登嘉魚亭

高閣流鶯外。荒城駐馬前。江寒三月雨。春
老百蠻天。折柳悲橫笛。飛花落釣船。乾坤
總羈旅。把酒意茫然。

過雲洞嶺

踏出千林迥。山連五嶺遙。石崖懸度棧。野

樹卧通橋澗。飲猶防蠱。舍耕盡屬。猿夕陽。驅瘦馬。鬚影漫蕭蕭。

廿

瑾 瑾字彦初臨川人

何梅閣山居

迹不到城市。逢人無厚顏。一飄風外。樹雙。屐雨中。山流水。春喧。確歸雲暮掩。闕無心。經世務。為益鬢毛斑。

寄馬彦會

百戰孤城血未乾。故人書札報平安。秋風代馬思燕草。夜月湘歌怨澧蘭。萬里江湖仍旅食。百年天地自儒冠。山陰更有誅苜地。仗劍什辭行路難。

王

儁

儁字孟揚閩中人洪武庚午

詩參英國公張輔軍事

宿巴陵聞笛

玉笛凌秋韻。遠汀空江皓月思冥冥。怪來

楊柳移闌塞。可是梅花落洞庭。半夜旅魂
隨調切。誰家少婦倚樓聽。曉來更覓龍吟
處。一點君山水面青。

浦源源字長壽無錫人洪武中晉

如細雨疎燈閣落葉斷雲高處見明
河衣上暮寒兵荒雨馬頭秋色晉陵
山雨中黃葉每詩路湖上青山遠寺
鐘杏花寒食春江店榕葉熏風葦海
船均是詩
中有画

送人之荆門

長江風颺布帆輕。西入荆門感客情。三國
已亡遺舊壘。幾家猶在住荒城。雲邊路遠
巴山色。樹裡河流漢水聲。此去郢中應有
賦。千秋白雪待君塵。

吳文泰文泰字文度吳縣人
洪武中涿州同知

送人之巴蜀

烟波迢遞古荆州。君去應為萬里遊。倚櫂
遙看湘浦月。聽猿初泊渚宮秋。雲開巫峽

詩言卷之二 卷二 三

千峰出路轉巴江一字流若見東風楊柳
色便乘春水返歸舟中疊用四地名亦是

烏斯道斯道字繼善慈谿人明初以薦起知石龍縣

澤畔

上。征。天。無。風。遠。遊。索。無。金。種。蘭。蘭。不。芳。行
吟。向。江。澤。漁。父。曠。達。者。庶。幾。知。我。心。鶴。鳴
子。不。和。徒。然。有。哀。音。踟。躕。當。奈。何。湘。水。清
且。深。陳卧子云古拙

許繼繼字士修寧海人洪武中台州訓導

夜坐

雨歇宵影澄天清月華素空山秋欲來涼
意先在戶蕭蕭林樾風泠泠幽篁露草蟲
亦何知含凄感暹慕深思無與言美人隔

雲路空山十字前人寫秋俱未到此

胡奎奎字虛白海寧人寧府教授

秋夕

詩言卷之二 卷二 三

月出萬井秋商聲在高樹風條絡緯鳴
葉流螢度天河一杯水流向西南去坐念
素心人佳期渺何處

夢遊廬山

我有紫霞想夢遊匡廬峰仙人凌絕頂手
美金芙蓉芙蓉亭亭九天上疊嶂崩騰涌
波浪五色雲中白鹿鳴三匝海底金雞唱
懸崖瀑布從天來足鍊倒界青天開高人

自是陸修靜邀我石磴行莓苔九江秀色
可攬結欲跨長鯨捉明月望斷蓬萊青鳥
書琪花冷落無人折飛身上挹香爐柳坐
卧九疊屏風前翻然拜手招五老一笑彷彿
三千年初風冷冷吹夢覺鶴背高寒露
華落早知此境隔塵凡只合栖神向邱壑
何人寫此江上山雲山與我心俱闕明窗
會碾聽輪去長謝時人竟不還

顧文昱

文昱字光遠嘉定人
明初官吳王副相

白雁

萬里西風吹羽儀。獨傳霜翰向南飛。蘆花
 映月迷清影。江水含秋點素輝。錦瑟夜調
 冰作柱。玉關晨度雪霑衣。天涯兄弟離群
 久。皓首江湖猶未歸。風格高於海與白燕
 詩一結尤見作手。

王安中詩白雁夜月蘆花看不定夕陽風
 葉見初飛極不即不離之妙惜通體不測

明詩別裁集卷二

